

**Zeitschrift:** Le nouveau conteur vaudois et romand  
**Band:** 92 (1965)  
**Heft:** 1-2

**Artikel:** Le caïon à Grelutchet  
**Autor:** Terpenaz, Pierro  
**DOI:** <https://doi.org/10.5169/seals-233839>

### **Nutzungsbedingungen**

Die ETH-Bibliothek ist die Anbieterin der digitalisierten Zeitschriften. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. [Siehe Rechtliche Hinweise.](#)

### **Conditions d'utilisation**

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. [Voir Informations légales.](#)

### **Terms of use**

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. [See Legal notice.](#)

**Download PDF:** 29.03.2025

**ETH-Bibliothek Zürich, E-Periodica, <https://www.e-periodica.ch>**

## Lo mau daô Paï

Po tui ceu que sant viâ daô Paï  
Luin dè tè, terra d'Helvétie  
Ié rèyu té lé, té riô, té torreints,  
Ié aouï té tzan, ô ma Patrie,  
Ié plhiorâ mé frâre, mé z'ami  
z'abseints

O Patrie, ô patrie,  
Oua, por tè, por tè mé tzan.

Luin dè tè, luin dè l'Alpe bliantze  
Dao tzâle io fasai bon s'assotâ.  
Dé lâpia io la rotze s'èpantze.  
Dein mon tieu i vouârde encô on  
daô l'espouâ.

Helvétie, Helvétie,  
I âmèrè tant la tornâ.

Ah ! Rèvaire on dzo ma vallaïe  
Io lé vatzes senaillent ein saint  
accoo.

Et lé prê to mou dè la rosaïe  
Et la Bèca io l'aglio prein se  
n'essoô.

O Patrie, ô patrie  
Luin dè tè, oua lè la moô.

(Paroles de J.-D. Dulex, musique de Heim.)

Traduites en patois par Jeanne Tavernier.

## Le caïon à Grelutchet

*A mon vieil ami Henri Jordan.*

To lo mondo dusse savâ que l'è onna  
ride mizère que d'avai on caïon malâdo,  
qu'on sâ pâ quemet lè soignî elliau pouëre  
bête que san pourtan asse mrétin de vivre  
lè caïon que lè vatse, lè tsevau au bin  
que lè rinocèrosse dai cirque que l'au  
fan dai-z-opèrachon quemet à onna dzin.

Adan l'ai avai quazu trai senanne que  
lo caïon à Grelutchet l'ire malâdo que  
Grelutchet è pu la Grelutchetta savan pe  
rin que l'ai feré po coudyï lo sauvâ que  
l'ire bin damâdzo de lo vaïre souffri,  
dzemotâ è pu veni asse chet qu'on-n-  
ètalla de batioret du que medzîve quazu  
rin. L'an to-t-aseyï. D'ailleu lè conset  
n'an pâ manquâ alintoï dau bouèton à  
Grelutchet. To lo velâdzo de Virepantet  
l'è vegnâ in vezita quemet se l'avai ètâ  
Grelutchet au bin la Grelutchetta que  
l'aran ètâ au ranco. Lo premî que l'è  
vegnâ que l'avai quazu lè lârne ai gè l'è  
Fuzi lo tia-caïon que l'a de dinse à Gre-  
lutchet quan l'a-zu chintu lè-z-oroille au  
pouëro malâdo :

— N'in-n-a pâ po gran tin. A ta  
pllièce, Grelutchet, lo laisseri pâ crèvâ...  
Sarai to parâ damâdzo. Fâ bin cin-trenta  
livre. Prepare pî lo trabetset. T'a rin qu'à  
me tèlèphonâ quan te chintri que l'hôra  
l'è vegnâ-te. Su d'aboi ique. Chin pî ; l'a  
lè-z-oroille frâde...

Quan l'a ètâ via, Grelutchet l'a de à sa  
fenna :

— Ye prîdze po sa pè rotse, Fuzi. Que  
s'è mèclia pî de sa papetta !

Lo lindèman, l'è Mistaudié que l'è ve-  
gnâ in cagnotsin du que l'a lo dècret ai  
duve piaûte :

— Etiuta, Grelutchet, te foudrai pe-  
tître l'ai betâ on catapliâmo su lo petro,  
que satse bon tsau. Me crâyo que l'a-z-u  
on-n-indijection que rin mé ne passe. L'è  
borrà à tsavon.



deux assurances  
de bonne compagnie

Quan l'a età via léve la Poya, Grelutchet l'a de :

— T'inlèvai pî po on tabenatze de Mistaudié ; sâ-te pâ s'in betâ su sè piaûte dai cataplliamo ! Betâ on cataplliamo à n'on caïon ! L'è sounâ, Mistaudié, vreblliamin...

Lo devindro la vèprâ, l'è lo gran Vincent dai-z-Esserpî que l'a passâ in allin au bôu :

— Fau pâ tan èmaïllî, Grelutchet. Lo meillau remîdo l'è de l'au copâ on bet de la quiuva, ai caïon qu'on sâ, pe rin que l'au fére. Onna sagna n'a jamé fé dau mau à nion.

Adan Grelutchet l'ai a de dinse in lo vuaîtin à la rappa dai get :

« In cognâso que l'an asse faûta de lau copâ lo bet la quiuva que noutron caïon.

Lo gran Vincent l'a bourriâ la pôirta è pu s'è in allâ...

Lo lindèman, l'è lo menistre mîmamin que l'a passâ po la coletta po lè dzin dai-z-Afrique que crâvan de fan. Adan l'a demândâ à Grelutchet è pu à la Grelutchetta quemet y allâve lau caïon, que l'avai ôyu dere au conset de pèrotze que l'îre rîdo bâ, que l'ai avai pâ gran espoî por li. L'au-z-a de dinse que simblliave on prophète que dèvezâve quemet dau tin dau râ Salomon :

— Fau pâ vo dèpitâ. Fau prindre corâdzo. De bê savâ qu'on caïon l'è onna bîte que l'è rido de respettâ du que l'è de la bouna tsai, to parâ que lè Jui è pu lè Mahomètan dai-z-Afrique n'in voillian rin medzî. Vo fo preyî por li quemet po onna dzin. Fau adî avai la foi tan qu'à portâ lè montagne.

Quan l'a-z-u elliou la pôirta derra li, Grelutchet l'a de à la Grelutchetta :

— Te pau ître sura que n'è pâ de portâ lè montagne que vau lo guièri !

Lo lindèman matin, dèvan d'allâ ariâ, Grelutchet l'è-z-u vuaîti son caïon que l'îre ètai au câro dau bouèton que budzîve pe rin, que l'avai bal è bin passâ l'ârma à gautse. Adan l'è-z-u to tsau à l'otô vè sa fenna :

— Te sâ, lo caïon l'è crèvâ. L'a fini de souffri que n'è pâ d'orgouet. L'avai à tserdze lè vezite, noutron pouro caïon. Fau pâ lo piorâ. L'è omète fro de la lingua din dzin !

*Pierro Terpenaz.*


*(Reproduction interdite.)*

---

**DONNEZ LA PRÉFÉRENCE**  
**aux annonceurs du**  
**CONTEUR ROMAND**

---

**BANQUE  
CANTONALE  
VAUDOISE**



Déposez vos valeurs  
dans un safe BCV. Elles seront à  
l'abri d'un vol ou d'un incendie  
toujours à craindre